

Saksprotokoll i fylkestinget - 14.12.2016

Tom Sverre Tomren (MDG) sette på vegner av MDG, V og SV fram slikt forslag (a):

«Tillegg til punkt 9:

Hordaland fylkeskommune vil være en aktiv pådriver for at virksomhetene som står for de største punktutslippene øker framdriften på investeringsbeslutninger som tar med klimagassutslippene.»

Tom Sverre Tomren (MDG) sette fram slikt forslag (b):

«Nytt siste punkt:

Fylkestinget vil styrke det strategiske klimaarbeidet ved å integrere klimabudsjett i fylkeskommunens budsjettprosess. Klimabudsjettet skal innehalde oversikt over tiltaka som må til for å nå vedtekne klimamål, plassere ansvaret for gjennomføring tydeleg i fylkeskommunen, og skal følgjast opp som ein del av den ordinære budsjett- og verksemdstyringa.»

Marthe Hammer (SV) sette på vegner av SV, MDG og V fram slikt forslag (a):

«Nye tilleggspunkt:

1. Fylkestinget ber om framlegg til milepælar for redusert utslepp av klimagass og lokal luftforureining for kvart andre år frå 2017 til 2027.
2. Fylkestinget ber om at all planlegging av Rullebane 2 på Flesland vert stoppa.»

Marthe Hammer (SV) sette på vegner av SV og MDG fram slikt forslag (b):

«Nytt tilleggspunkt:

3. Fylkestinget ber regjeringa koma med eit nedskalert framlegg til E39 med sikte på sikker to-feltsveg med gode alternativ for gåande og syklande.»

Terje Søviknes (Frp) sette fram slikt forslag:

«Alternativt framlegg til punkt 11:

Fylkestinget syner til den nasjonale satsinga på bioøkonomi, og ber om at ein i det vidare arbeidet med Klimaplanen og handlingsprogrammet prioriterer å utarbeide ein strategi for bioøkonomi i Hordaland.»

Røysting

Det var 55 representantar til stades.

Innstillinga punkt 1-9 vart samrøystes vedteken.

Innstillinga punkt 10 og 12 vart vedteken mot 19 røyster (H, Frp).

Søviknes sitt forslag til punkt 11 fekk 7 røyster (Frp) og fall.

Innstillinga punkt 11 fekk 38 røyster (A, KrF, Sp, V, MDG, SV, R) og vart vedteke.

Tomren sitt forslag (a) fekk 7 røyster (MDG, SV, R) og fall.

Tomren sitt forslag (b) vart vedteke mot 19 røyster (H, Frp).

Hammer sitt forslag (a), 1. punkt, fekk 30 røyster (SV, A, MDG, V, R) og vart vedteke.

Hammer sitt forslag (a), 2. punkt, fekk 10 røyster (SV, MDG, V, R) og fall.

Hammer sitt forslag (b) fekk 7 røyster (SV, MDG, R) og fall.

Vedtak

1. Fylkestinget vedtek Klimaplanen sitt handlingsprogram for 2017 slik det går fram av saka.
2. Økonomisk ramme for klimaplanen sitt handlingsprogram for 2017 (klimabudsjettet) vert handsama i fylkesbudsjettet for 2017.
3. Førebels fordeling av midlar frå klimabudsjettet på dei einskilde tiltaka er basert på kostnadsoverslag og går fram av handlingsprogrammet.
4. Fylkesrådmannen får fullmakt til å gjere mindre vesentlege justeringar.
5. I samarbeid med klima- og naturressursseksjonen skal kvar avdeling årleg gå gjennom korleis fylkeskommunen kan få til naudsynte kutt i klimagassutslepp frå eiga verksemd og i fylket generelt.
6. I samarbeid med klima- og naturressursseksjonen skal kvar avdeling gå gjennom korleis fylkeskommunen skal vurdere klimarelevans og -konsekvens i sakshandsaminga.
7. Fylkestinget ber fylkesrådmannen informere i eiga sak om den fylkeskommunale innsatsen for, og andre relevante initiativ knytt til hydrogen innan sektorane samferdsel, energi og næring. Vidare ber Fylkestinget administrasjonen om å vurdere og foreslå korleis fylkeskommunen kan arbeide strategisk og heilskapleg vidare med hydrogen.
8. Fylkestinget ber fylkesrådmannen vurdere korleis bioøkonomi og grøn økonomi kan definerast nærare og konkretiserast for Hordaland.
9. Fylkestinget merker seg at utsleppa frå 7 kvotepliktige industriverksemdar står for nesten 60 % av alle utsleppa frå Hordaland. Fylkestinget er bekymra for at reduksjonen i utsleppa deira ikkje skjer raskt nok til å nå måla. Fylkestinget ber om informasjon frå verksemdene om kva dei kan og vil gjere for å redusere sine utslepp.
10. Fylkestinget ber om at Klimaplanen og handlingsprogrammet vert lagt inn som faste postar i møteplan og sakshandsaminga til utvala gjennom heile året slik at miljø- og klimautfordringane vert belyste og ivaretekne i samsvar med dei fullmaktene utvalet har.
11. Fylkestinget syner til den nasjonale satsinga på bioøkonomi og ber om at ein i det vidare arbeidet med Klimaplanen og handlingsprogrammet prioriterer å utarbeide ein strategi for bioøkonomi i Hordaland. Som ein del av denne strategien skal fylkeskommunen:
 - Ta initiativ til eit samarbeid med kommunar, næringsliv, landbruksorganisasjonar og andre interesseorganisasjonar for å kartlegge potensialet for auka produksjon av biogass i Hordaland.
 - Vere ein pådrivar for at bruk av biogass skal verte eit reelt alternativ for aktørar i transportbransjen.
 - Ta initiativ til eit samarbeid med kommunar og verksemdar om å stille krav om nullutslepp for transportørar som skal utføre oppdrag og leveransar.
 - Medverke til at det vert bygd infrastruktur for biogass.
 - Stille krav om auka bruk av biogass i nye kollektivkontraktar.
12. Fylkestinget syner til tiltak 5.17 Klima- og miljøkrav i utbyggingsprosjekt. Dette tiltaket skal prioriterast i handlingsprogrammet for 2017. Fylkesutvalet får ei sak der ein gjer greie for korleis krav om

«Klima- og miljøbudsjett for alle store utbyggingsprosjekt i vegsektoren» kan gjennomførast.

13. Fylkestinget vil styrke det strategiske klimaarbeidet ved å integrere klimabudsjett i fylkeskommunens budsjettprosess. Klimabudsjettet skal innehalde oversikt over tiltaka som må til for å nå vedtekne klimamål, plassere ansvaret for gjennomføring tydeleg i fylkeskommunen, og skal følgjast opp som ein del av den ordinære budsjett- og verksemdstyringa.
14. Fylkestinget ber om framlegg til milepælar for redusert utslepp av klimagass og lokal luftforureining for kvart andre år frå 2017 til 2027.